

豐城縣志卷之十六

寓賢

天地蘧廬。人生若寄。自昔寓賢。各有深意。抱出世心。爲避地計。劍江之潯。名流踵至。邱壑亭壇。十存一二。鳳栖麟遊。咸以爲瑞。厥跡未湮。厥風未墜。維朱紫陽。來訪盛璠。兩月芳踪。弗從斯例。不傳傳之。嘿嘿遐思。志寓賢

漢

梅福字子真。壽春人。爲南昌尉。漢成帝時。以孤遠小臣。上諫書不聽。棄職遠遁。後有見之于吳門市卒中者。

豐城縣志

卷十六

寓賢

一

隨隱于西山久之。卜寓于是。邑之飛鴻山。山遂冒其姓。福抱忠憤之心。托修鍊之術。故楊無爲詩云。漢代變名遊越國。道家遺像並蕭公。

按梅嶺載福仙跡頗多。又傳爲飛昇于此。立觀崇祀。至今猶盛。前志既無寓賢一門。又不列之仙釋。殊爲闕漏。雖然漢綱解紐。賢者避世。即省志竟儕之神仙中。亦小乎其視先生也。

晉

羅文通。豫章人。其先漢大農令。自長沙守豫章。因家焉。先生時方八歲。便知以聖賢自師。讀嚴氏春秋。京氏

易歐陽尚書爲南州高士之學。覓靜豐城池山尚友高士。著學道書數十卷。咸和二年。詔爲軍諮祭酒。固不往。既而王敦檄爲別駕。嘆曰。以臣抗君。以外凌內。小人道長之時。吾今無意于天下。事將復爲漢梅福矣。結茆種菊。疏食水飲。授徒八百有奇。沒後。門人祠于隱居。因葬其後。今日曰大羅山。摘魏少遊晉徵君羅

唐

陳陶字嵩伯。唐武宣時人。志行高潔。善天文。尤精詩律。其詠寶劍及謁孺子祠詩。悽婉清曠。悠然動讀者。遐想隱西山。郡守嚴宇欲撓其操。使妓蓮花往試。陶殊不顧。遂卜寓于豐之清溪里。種蘭盈畦。始終無纖塵染。至今故址尚襲餘芳云。

豐城縣志

卷十六

寓賢

二

按陶未詳何處人。唐詩類抄載爲洪州豐城人。紀事載劍浦人。品類載鄱陽人。貫休稱爲西人。及考省志。則又稱爲嶺表人。類抄稱爲豐城人者。以豐有劍江之號。或因紀事稱劍浦而誤耶。舊志據類抄。列于逸行。殊未確鑿。要之一人數地。其不得的。著爲豐城人可知。今特列于寓賢。以俟後之知者。

宋

胡安國字康侯。福建崇安人。宋紹興三年爲給事中。爭

論朱勝非忤呂頤浩遂落職。先是其子寅爲起居郎。上中興七策坐貶。是年秋偕自浙西來豐。憇櫛山之智度院。見其邃深清曠。作久寓計。日與其子與徒講授春秋。鄉士大夫若范左司松谿輩往來談論甚洽。山有泉味甘美。安國每坐其上汲飲。鄉人遂名其泉爲給事泉。明年夏乃去櫛山舊祀。有祠咸淳間雷尚書宜中復爲改建。首徐穉次安國次寅。凡十有二人。姚勉號雪坡瑞州新昌人。實生長于豐之龍霧洲。讀書海慧寺。與詩僧雪樵遊。嘗往來曲江濱。故磯山多吟咏。及第後諸官迎迓之。其地至今名諸官路口。勉居也。幾于土著矣。

明

鍾甬字迪勇南昌人。隱居不仕。惟肆力聖賢之學。與孫侍讀曰恭友善。每過豐講論動經旬月。甘太守暎之父慕其道。延至于家。命諸子受業焉。凡數載。正襟危坐。終日不見。有惰容。其取予更一介不苟。

羅洪先號念菴吉水人。嘉靖八年殿元。歷贊善。尋以言事被責。除名歸。過豐寓于邑東門白雲寺。久之。得野草年年綠。山花月月紅。句。眞理學中心印語也。見鄧

武橋子龍預稱爲名將才。相與倡和甚密。

國朝

曹胤昌號石霞。楚黃亭州人。領崇禎己卯鄉解。成癸未進士。恃才傲物。故不得館選。甲申國變。遂黃冠野服。以自晦。閒遊抵豐。訪同年史龍門太史劉隆初行人。遇李亭叔少憇焉。李異其丰骨待之厚。嗣是數往來。門對梅峯。談笑間忽得句曰。二人相對說梅峰。他日還期一過從。漠漠白雲渾是夢。松陰深處有行踪。隱寓于豐。久乃去。越廿餘載。李病足。夢石霞至。示謁梅仙可愈。且自述孤忠清介。棲神山腰畧分梅仙祀。李豐城縣志

卷十六

寓賢

四

如其言。蹇步往謁。足頓瘳迹于山半小祠。恍若有所見。後石霞復示夢山僧于祠前湧美泉。禱飲蠲宿疾。而松陰行踪之句果應。

仙釋

佛老之學。異於吾儒。或談清淨。或尚虛無。其書可火。其居可廬。勿復崇之。世惑民誣。茲何爲者。亦列此徒。術傳許遜。律衍馬駒。甘孝范友。行與衆殊。高僧博學。如雲如蒲。後之緇黃。堪作楷模。匪存其教。乃正其趨。志仙釋

晉

甘戰。邑人。有孝行。喜神仙術。往從許遜。遜異其材。凡奧文秘訣。悉命掌之。馘蛟斬蛇。無不與焉。遜上昇。戰歸豐城。住白鶴觀。布德行惠。鄉人感之。陳大建元年。正

豐城縣志

卷十六 仙釋

一

月七日。駕麟車乘雲而去。宋封精行真人。飛昇日有風篁一枝墮地復生。每因風而嘯韻若管絃。後人于其地立飛篁觀。又靖安縣西北有丹仙觀。亦戰修煉處也。

曾亨。字興國。泗水人。少爲道士。博學多能。逆知來物。神人孫登見之。曰。子骨秀精行。必作霄外人。乃隱居豐城。與甘戰善。從許眞君遊。得其秘籙。後遜飛昇乘雲車同去。宅爲眞陽觀。

范登雲。字若虛。槎村人。母夢電光繞室。覺而有娠。懷十月。三月始生。少遇異人。授以大丹。紫龍杖。跨之。瞬息千

里家人咸異焉。秘勿洩。登雲居□莊。而適接人和而恭。別賢愚如冰鑑燭。誠僞如神明。嘗敷陳忠義以諷時政。殆仙而儒者也。妻李氏。子二。女三。俱事仙術。扁其齋曰一清如水。晉孝武時尸解去。墓在超山。著古槎之異。

宋

黃中黃名元吉字希文邑人。年十二入玉隆萬壽宮。其師王月航愛而教之。啟以清淨之教。後師劉玉真玉真重之。及去世以傳教之任付焉。遂力以發明師說爲□任。一日謂其弟子陳天和等曰。今夜子時吾返玉真之虛矣。明日用火淨吾骨。有風南來者吾報汝也。已而果然。

豐城縣志

卷十六

仙釋

二

徐慧字子奇邑人。寄家廬陵。幼孤穎異絕俗。閉戶讀書。危坐竟日。聞中黃先生得都仙淨明之道。因往師焉。又叅藍真人於長春宮。遂盡究元指。賜號淨明。配道格神。昭效法師。嘗自贊曰。生前我卽汝。死後汝卽我。於是二中間。誰會識真我。五月望日。命弟子名鄉友話別云。這箇臭皮袋。撇了無罣碍。烈焰紅爐中。明月清風外。擲筆端坐而逝。鼻流玉筋尺餘。

楊介如字固卿邑人。宋開禧間薄遊諸邊。畫策不售。遂

隱於黃冠。嘗主清江相堂觀。一日諸文士集觀中。偶酬介如蓬鬢垢衣坐其側。衆甚異之。句至。介如朗吟曰。酒量春吞海。詩肩夜聳山。座皆驚服。後入閣阜山。至寶慶元年年。六十八乃卒。有詩百餘篇。號隱居集。范脉上郊人。少與二兄騰勝讀書古寺。遇異人授以仙術。二兄遂遠遁。久之不歸。脉覓兄至峒山。遇道人谷化。即授仙術者也。引入雞足洞。見壁上詩。知兄在。乃與俱歸。鍊真於邑之連珠嶺。後復隨谷化。同入雞足洞。端明徐公經孫於嶺寺。獲脉所遺錦囊。自叙仙去。并言徐公異日事。果驗。寶慶二年。救旱熄火。屢著靈

豐城縣志

卷十六

仙釋

三

異。徐公以其事上聞。得封連珠三仙。明永樂初。加封靈感。

明

鄢崇寶。故里柳溪人。母夢金衣仙。借宿其家而生。稍長。丰采翩躚。遠出塵表。不屑屑讀書。及講大義。有老生宿儒所不及者。好靜坐。行吐納術。其所居室。嘗有雲氣。人異之。求言禍福。無不驗。若著蔡。年十九。忽語家人曰。上帝召我於玉京。我將返焉。是夜簫管浮空。羽葆集戶。衆趣視。則已跌坐屍化矣。嗣欲肖其像。而工弗識。倏所居樓上墮香木一段。綵雲團護。工恍若有

見刻之遂不假添毫頰上因共廟祀多著靈異。

唐

法達邑人。專虔誦法華。一日禮六祖頭不至地。祖訶曰。禮不投地何如不禮。汝蘊習何事。法達曰。念法華經。祖曰。怪汝心中負此一物。法達悔謝。請祖說經義。祖曰。汝試爲吾誦一過。當爲汝說法。法達朗誦至方便品。祖曰。止。此經元來以因緣出世爲宗。汝當信佛。知見只汝自心。更無別佛。法達曰。但得解義不勞誦經。邪。祖曰。口誦心行。即是轉經。口誦心不行。即是被經。轉因說偈云。心迷法華轉。心悟轉法華。誦經久不明。

豐城縣志

卷十六

仙釋

四

與義作讐家。無念念即正。有念念成邪。有無俱不計。長御白雲車。法達遂契旨。祖曰。汝今方是念經僧。

前志

宋悞作人

宋

雲卧名曉瑩。邑之羅湖人。住海慧寺。戒律精嚴。善屬文。一時高僧多延爲記室。嘗於院中作經藏。甘露降瑞寺。多蟻叢集几案。雲卧作文驅之。至今方丈中無蟻迹。著有羅湖野錄入釋藏。

明

蒲菴禪師。牯牛皆人。黃姓名來復。字見心。當元亂祝髮。

入縣之普菴堂。避地會稽山中。主慈谿定水院。又主
鄞之天寧寺。杭之靈隱寺。洪武初徵至京師。上賜食
內庭。慰勞優渥。來復精通內典。善詩文。在京師與宗
泐齊名。先是楚國歐陽公元潞國張公翥見諸觚翰
間。獎與爲至。學士宋公濂序蒲菴集。謂復公之作。穠
麗而演迤。整暇而森嚴。發爲聲歌。清朗橫逸。無流俗
塵土之思。置諸古人篇中。幾不可辨。求者日接踵於
門。旣得之。不翅木難珊瑚之爲貴。蓋極其許可云。

國朝

休休邑郭范氏子。壯年妻子俱亾。因薙髮於白衣庵。遇

豐城縣志

卷十六

仙釋

五

異人挈之遊羅浮衡嶽諸名勝。有所得而歸。以酒肉
自晦。咸目爲顛。嘗醉卧斗門橋。吟云。醉卧沙堤看野
鳧。人人笑我是酒徒。幾番欲往西天去。又怕西天没
酒沽。善畫達摩面壁。渡江二像。揮灑數筆。神致如生。
歿後數年。或傳有自江北見之者。始知爲尸解去。

古蹟

奧區靈泉。荒臺幽宅。大而故城。小而片石。幾閱歲年。猶留遺跡。博訪遐探。足資遊屐。往訓昭垂。學古有獲。名勝在茲。迺同典籍。或江之腰。或山之脊。詩酒流連。匪云情僻。想見其人。祗徊弗釋。志古蹟

富城縣 在富城鄉。富水之西。

按邑舊志及府志省志俱謂富城縣故址即今黃金城。考黃金城從未建治。且在章水之西。與富水之西相去甚遠。故老訛傳。遂使各志俱誤。

舊豐城縣 在登仙鄉。豐水之西。曰滎塘。距今治二十

豐城縣志

卷十六

古蹟

六

五里。即獲寶劍之所。

廣豐縣 在廣豐鄉。今名故縣。

古情城 建置始末莫得其詳。據豫章古今記云。在邑東一里。

劍池 在滎塘。即舊豐城縣獄基。距今治二十五里。秦始皇見東南有王氣。埋雙劍鎮厭之。晉縣令雷煥掘獄基得石函。剖函得雙劍。久之址濬爲池。每春三月三日。池上風雨迷離。相傳劍歸朝。故穴石函在池前二十四步。四層。長踰六尺餘。廣半之。塗沒其半。土人訛爲石門。今全淪池。中秋大涸。略見。掘之輒興雷雨。

晉書云。初吳之未滅。斗牛間常有紫氣。皆云吳方強盛。未可圖也。惟張華以爲不然。及吳平。後紫氣愈明。華聞豫章人雷煥。妙達象緯。乃要登樓仰觀。煥曰。寶劍之精。上徹於天。爾。華曰。君言得之。吾少時有相者。言吾年出六十。位登三事。當得寶劍佩之。斯言其效。與。因問曰。在何郡。煥曰。在豫章豐城。即補煥爲豐城令。煥到縣。掘獄屋基。入地四丈餘。得一石函。光氣非常。中有雙劍。並有刻題。一曰。龍泉。一曰。大阿。其夕。斗間氣不復見。煥取南昌西山北巖下土。拭劍。光芒豔發。置劍水上。精芒炫日。遣

豐城縣志

卷十六

古蹟

七

使者送一劍。并土與華。留一自佩。華得寶劍。愛之。常以南昌土。不及華陰赤土。報煥曰。詳觀劍文。乃干將也。莫耶何爲不至。雖然。天生神物。終當合爾。因以赤土寄煥。華誅。失劍所在。煥卒。子葉爲州從事。持劍過延平津。劍忽於腰間躍出。墮水。使人取之。但見兩龍。蟠縈光彩。照水浪波。驚沸。遂失所在。徐孺子讀書臺。在櫛山南角。石崖高處。旁有孺子祖墓。

九子池。在苦竹村。晉穆帝時。鳳凰將九雛。飲於此。蛟穴二。一在縣東二里許。其中積水。四時不竭。舊傳

蛟精嘗蟄於此。許真君以符咒逐之。蛟遂遁去。一在縣北近城。今湮爲鎮北廟。

按一統志及府志云。在西者誤。

望夫石 在縣西二十六里。高二十丈。相傳昔人有商於遠者。其妻望之。遂化爲石。

朝斗壇 在梅嶺。縱橫各十尺。古松列植。相傳梅子真寓此。築以朝斗。

丹井 在朝斗壇後。梅子真嘗窖丹砂其中。井水所漬。多化爲禹餘糧。土人呼爲石中黃。撥土即得之。

讓栗亭 在龍澤寺。舊傳浮邱翁與其徒王郭二仙嘗

豐城縣志

卷十六

古蹟

八

夜坐磐石。食栗相讓故名。

羅徵君隱居 在羅山絕巘。旁有栢塔。遙望蕭疎。

半邊槐 在松湖濱江。相傳許旌陽所植。其樹幹只半邊。似久枯槁者。而枝葉如故。至乾隆三年。水決無存。

勅書樓 在治前。宋慶歷間。郟尹修輔所建。邑人周諤作記。蘇東坡北歸過讀。擊節稱嘆。今失其址。

金花潭 在龍頭山下。宋隆祐太后舟行。爲金兵追急。投金花於潭。以祈風。一說墮金花於此。

金鐘口 在龍霧洲。舊傳江水衝決。漁人於斷岬得一金鐘。識者謂爲宣和故物。瑤華御舟經此沒焉。至是

乃出。

孝感泉 在道人山。聖乘院內。宋紹興元年。曹少卿戩奉母寓此。母喜茗苦院無井。戩虔禱焉。即院之堂下鑿地尺餘。泉忽湧出。取以瀹茗。味極甘美。人因名曰孝感泉。

白玉蟾手蹟 在始豐山。石上有江。右福地。始豐名山。八大字。旁有丁亥花朝日。玉蟾子書九小字。或云以劍劃石。

寶氣亭 在邑西北濱江。宋黃山谷嘗登此賦詩。嘉定間唐尹容重建。中有二碑。刻唐李德裕劍池賦。宋黃

豐城縣志

卷十六

古蹟

九

長善石堤記。

洗墨池 在櫛山。讀書臺側。胡文定公寓智度院。註春秋。嘗臨池洗硯。至今池水間浮黑點。夏鮮蛙鳴。人異之。

給事泉 在櫛山智度寺。清淺甘冽。宋紹興間胡給事安國與子寅寓此。愛汲此泉。後人遂以爲名。

補史玉隱堂 宋叅軍熊方嘗補東漢年表。遂自取爲堂名。

雪坡書屋 在感山。宋狀元姚勉讀書處。

甘露臺 在感山海慧寺。宋淳熙中寺作經藏。落成。甘

露忽降。僧雲卧。因作臺以紀其瑞。

盛家洲 在沙湖。邑人盛温如所居。有書院。朱子嘗過此作詩。

心廣堂 在龍光書院。夏陽熊世基兄弟所建。朱子爲之命名曰心廣。并作記。

味書閣 在東山。宋侍郎徐清正公鹿卿讀書處。潘子賤命名。袁廣微書額。劉克莊作記。御賜遺安堂味書閣六字。

相農樓 在令署後。跨子城爲之。宋陳容有記。

宗賢堂 在龍澤智度寺之右。宋尚書雷宜中所建。祀

豐城縣志

卷十六

古蹟

十

徐孺子、王季友、胡安國等十二人。買田以供祭祀。中藏書數萬卷。元初鄭希顏取以賂權貴。

水東驛亭 在縣城東。演迤近虹橋。與寶氣亭東西對峙。雷尚書宜中有記。

江山秀傑樓 在儒學明倫堂後。元州尹陳元凱初立。用朱子詩取名。樓下建三傑祠。祀邑人盛璲。于革劉充。

曲江亭 在龍頭山。往來吟咏甚多。後改三賢祠。即今龍山書院。

劍江驛樓 即寶氣亭故址。元時改建臨川。吳澄及邑

人熊朋來俱有詩。

棲碧軒 在邑東泉嶺。羅自強建。大學士朱一齋善作記。

瑞芝堂 明成化四年芝產學宮。建以紀瑞。吁江張昇有記。今無存。

濯纓亭 在濯纓巷口。江干舊爲閱稅之所。今廢。

愛學堂。思政堂。醉香堂。清樾堂。俱在令署。宋慶元間

邑令劉鼎孫建。今無存者。

四雨亭。凝碧亭。待詩亭。覽秀亭。俱在令署。宋淳祐間

邑令劉卿月建。今無存。

豐城縣志

卷十六

古蹟

十一

簡靜堂。景清堂。綠淨亭。哦松軒。俱在丞署。今無一存。

委蛇閣。清華亭。俱在舊簿署。今廢無址。

教忠堂。景梅亭。俱在尉署。今無存。

月湖 在城內西北隅。明尚書楊文恪公廉園居所。浚自取爲號。少傅唐龍有記。

瓷窯園 在邑北。舊爲種花所。競出奇品。後廢爲蔬圃。

惟山茶三巷名存。

寶氣樓 在文明門城上。署縣事陶通府以詩建。舊爲課文之所。今廢。

文明塔 在故縣瓦子堆。萬歷間署縣事陶通府以詩

經其始。張尹昌辰。徐尹揚先。馮尹起綸。繼成之。
寶翰樓。在城南。唐太宗伯大章致政歸建。以藏御賜
諸物。面平港湖。遙對文明塔。今僅存石額。

邱墓

苔繡石麟。路荒野棘。在望蔚然。世所封殖。若堂若坊。若斧不一。傑士佳城。名臣華域。或繫高曾。或傳仙逸。葬其衣冠。精魄攸息。柳下壟前。採樵必飭。君子恭敬。過墓則式。示以不忘。教民之職。義例存焉。奚辭表識。志邱墓

漢

徐孺子祖墓在櫛山讀書臺側

吳

富春王孫志墓在同造里之大廸坑。權之孫

豐城縣志

卷十六

邱墓

十三

富春王孫法墓在同造里之敷山。

權之曾孫

按二墓豐水志未載。豐乘據孫氏譜補錄。

吳王墓在鍾城山

按此當是孫吳後裔。如志與法曾封王爵者。特失其名無考。豫章續職方乘。引幽冥錄。孫鍾設瓜事。且云鍾城相去五里。有鶴山。即化鶴地。是因鍾城山。鍾字附會爲孫鍾。并附會鶴山地名作証。殊屬謬妄。前志援吳志孫堅家富春。及廣輿記鍾墓在富春以駁之。其說是矣。但未甚瞭晰考。鍾墓固在杭州之富春。即孫鍾祖墓。所謂鶴仙指示葬母者。

亦在嚴州之桐廬烏石山。則此處之吳王墓。與彼原不相涉。職方乘好爲附會。自不可從。又前志疑此即志法志法墓故在同造里。所疑尤屬無謂。

晉

范登雲墓在超山北。世傳舁柩至此。雷雨暴作。棄歸。明日視之。白石掩棺而成墓。遂號白石墓。白玉蟾有詩云。白石巉巖疊浪危。登雲聖跡具前碑。我來倚檻春風裏。爲愛靈槎一段奇。

唐

王季友墓在櫛山

豐城縣志

卷十六

邱墓

十四

贈司空李承勳墓在楊梓洲。

中丞王子邳墓在集靈觀北。至今樵牧不敢犯。

按前志僅書王中丞墓而無其名。忽又引韓文公神道碑。載中丞王仲舒薨於洪州。歸葬某處。今邑有墓。不知何據。是竟以此墓爲仲舒之疑墓矣。及訪集靈觀北墓碑。乃係中丞王子邳墓。字畫完鑿。可憑。即雲嶺里王姓各支之子孫祭掃。歷歷如故。何前志全不考正。而襲譌致疑若此也。夫子邳忠義之氣久而不磨。至今樵牧莫犯其墓。宜哉。

宋

少卿范應鈴墓在槎村勅葬

尚書黃疇若墓在沅江里勅葬

侍郎徐鹿卿墓在桂村勅葬

尚書徐經孫墓在覺溪勅葬

尚書雷宜中墓

傑士盛溫如墓在曲江市尾

傑士于革墓在邑西城下

傑士劉充墓在曲江

元

處士熊靖逸墓在當城鄉揭傒斯志銘

豐城縣志

卷十六

邱墓

十五

二八居士墓在同造水南鄉

按居士係明徐中山王達祖正德嘉靖間其子孫

魏國公屢遣宗人祭掃

封學士揭來成墓在查山

孝子廖立孫墓在長安鄉東牢揭傒斯題其碑

豫章郡公揭傒斯墓在富陂歐陽元志銘黃潛撰神道

碑

瀟峰朱隱老墓在瀟峰下宋濂志銘

修職郎雷昇墓虞集志銘

明

文淵閣大學士朱善墓在歸德鄉雷坊山聶鉉志銘
尚書黃宗載墓在梨園岡勅葬

郎中史安墓在城西龍窟楊士奇表其墓

按安從柳升征交趾陷于鎮彝鬪不屈死當時無
知者故未得贈恤後招魂以葬

御史孫曰良墓在敷山勅葬

尚書丁鉉墓在熊墓橋勅葬

按鉉死土木之難未得屍還奉勅招魂葬其衣冠
封都御史李端明墓在文岡鄭溪勅葬

尚書李裕墓在文岡橋

豐城縣志

卷十六

邱墓

十六

按裕配羅夫人奉勅葬此裕卒遺令勿乞祭葬擾
鄉里因祔焉

副使涂昇墓在縣南興隆岡張昇志銘

侍郎熊懷墓在長安溪勅葬

尚書楊廉墓在銅湖勅葬

尚書雷禮墓在范塘勅葬

封侍郎杜士希暨配淑人游氏墓在港西揭平勅葬

廉使楊瑄墓在大路里

靈臺郎楊忠懷源墓在羊埂上

按源以疏劾逆瑾謫戍肅州道卒孟縣之河陽驛

妻斬荻覆尸葬驛後此則招魂葬者

侍郎孫世祐墓在水南鄉

尚書李遂墓在東山勅葬

都御史李材墓在湖茫窩

尚書李璣墓在山谿峽

憲副范慶墓在屯陂

尚書范謙暨元配夫人楊氏墓在羅湖

都督鄧子龍墓在落星橋

按子龍戰歿遼東失其元口時子龍渡鴨綠江得沉香木甚珍之至是刻作首酷肖遂合以殮久乃

豐城縣志

卷十六

邱墓

十七

歸葬焉。

贈尚書唐良臣墓在漸頭嘯天龍勅葬

尚書唐大章暨配夫人徐氏李氏墓在漸頭鄒家山勅

葬遷嘯天龍

尚書邱士毅墓在雷家埠勅葬

國朝

光祿卿甘文奎墓在潯塘塘梅山奉

勅葬

祥異

周占十輝。史志五行。祥異之著。休咎之憑。或應或否。轉移惟誠。莫謂天遠。其理甚明。豐雖一邑。亦紀庶徵。靈芝甘露。瑞兆匪輕。水旱疾疫。事或交并。與誇而恃。寧懼而懲。欣逢

聖代。泰階式平。時調玉燭。永奠民生。述祥異

晉

永平初年。紫氣見于斗牛間。

大興二年。夏五月蝗。民多饑。

昇平四年。春二月。鳳凰將九雛于豐城。今里苦梧桐爲岡冬

豐城縣志

卷十六

祥異

十八

十一月。鳳凰復見。群鳥隨之。

唐

武德六年。慶雲見。

貞元十年。豫章溪澗魚頭皆戴蚯蚓。

長慶三年。秋。洪州螟蝗害稼八萬頃。

宋

祥符四年。秋七月大水。傷稼漂民廬舍。

元豐二年。洪州六縣稻已穫。再生皆實。

大觀二年。龍霧洲獲古鐘。大小九具。各有篆文。詔令進上。

紹興四年。水圯民廬。自夏至秋。江西九州三十七縣。皆水。

省志作紹熙四年事。

乾道三年。秋八月。江東水溢於山。隆興四縣爲甚。

按省志隆興三年秋八月。積潦至九月。禾稼皆腐。隆興四縣爲甚。與此互異。考宋史。孝宗隆興止二年。次年改元乾道。

淳熙元年。饑賑以常平義廩。

五年。大水決觀巷堤。

七年。夏五月。至秋七月不雨。

豐城縣志

卷十六

祥異

十九

九年。甘露降於曲江之海慧寺。

十四年旱。

十五年大水。

嘉泰四年春大饑。

端平元年。夏六月朔晝晦。大風雨雹。吹濱江廬舍於水。人多溺死。縣治寺觀飄揚飛去。帥守陳鞞自劾於朝。

省志

舊志云。大風自西北來。邑前鼓角登要二樓。當其隊飄擲一空。

元

至順元年大饑

至元元年春三月饑

至正十三年夏大旱

十四年大饑

明

永樂十一年春二月饑

十二年大水

宣德八年大水

九年旱饑

成化四年大水決堤五十餘丈漂民居十餘家

豐城縣志

卷十六

祥異

二十

十年。春三月大風拔木。治南棟椽有飄飛郊外者。壓

死無算。次日樹間挂巨鱗長鬣。或疑為龍。方伯陳煒

蒞縣賑恤。

十三年夏四月大雨雹

夏六月芝草產於學宮堂

東楹

省志作十年事

二十年春三月大雨雹

二十一年夏五月大水決堤漂民居三十餘家

弘治七年冬十月五日甘露降於梅仙壇

李尚書裕有記

正德四年大雨雹夏六月大水

五年夏五月大饑

八年。夏六月壬戌。邑西南隕火星如斗光赤。明日火起。焚官民廬舍二萬餘間。死於火者三十餘人。已而復隕火星如盆。火復起。至七月二日方熄。戶部疏請行。巡撫查勘被火之家分別賑恤。從之。是年水復早。蠲稅九分。冬雨木水。

九年八月朔晝晦星見

十二年夏四月地震御史范輅上其事

十五年。正月至三月恒雨。夏四月大水決堤。漂民居二十餘家。大傷稼。五月三龍見於楓林橋。暴風壞屋。御史唐龍疏請賑恤。

豐城縣志

卷十六

祥異

二十一

嘉靖元年夏五月大水饑決堤共一千七百餘丈壞田

廬漂男女數十人

五年夏五月大水

十一年夏六月大雷雹秋七月蝗冬十二月雷

十二年夏四月大水

十六年春正月雨木冰夏五月大水決馬湖堤五十丈

十九年大水饑蠲稅

二十年甘露降於密嶺

二十二年春正月朔慶雲見

二十三年旱大饑

二十四年大饑是時黃源出土曰仙米饑民鋤食之多病

二十九年夏四月黃霧三日

三十五年夏四月大水決堤漂民居十數家

四十年春正月雨木冰三月大雨雹大者如雞子小者如桃李九月邑西桐葉皆生虫狀如武弁

四十一年夏四月至六月大水城圯百二十丈決堤二百三十餘丈大傷稼

四十三年水免稅糧有差

豐城縣志

卷十六

祥異

二十二

四十四年饑

隆慶二年饑巡撫劉公光濟奏免秋糧及改折南京倉米

萬歷三年地震且旱

十四年大水蠲賑有差

十六年饑蠲免存留糧銀有差

三十二年冬十二月龍見田中身長四十餘丈頭似

麟七日後飛翔挾風雨而去

豫章書

三十四年旱災免正官覲

三十七年夏大水巡撫衛公承芳巡按顧公造奏請

蠲恤

四十二年水傾二王廟堤七十丈

四十四年夏五月大水決馬湖堤三百餘丈漂民廬舍壞洪橋

天啟元年春雨木冰

四年芝草產於學宮

崇禎四年秋七月十八日地震九月十六日天鼓鳴冬十月十六日地又震

六年夏雨黑粟人種之生兩葉如劍狀

九年大饑邑紳士倡義捐賑於連珠寺

豐城縣志

卷十六

祥異

二十三

十一年夏大水

十四年春正月雨木冰夏五月大水饑

十五年大疫

十六年春三月菊花開

國朝

順治三年春芝草產於登仙門外民舍夏大旱

四年春恒雨夏五月水大饑斗米銀七錢民齧草噉土餓殍載道

八年春三月大風霾治前石坊壞木多拔屋瓦飄擲九年夏四月長樂鄉水暴作崩山裂石溺男女漂廬

舍。決田數百餘畝。土人傳爲金牛怪出。云

十四年。甘露降於縣署。

十六年旱。巡撫張公按院李公奏蠲稅糧十之三。

十八年春二月雨雹。大風拔木。五月大水。壞雞婆堤。

漂民廬舍墳墓。塞田百餘頃。溺男女三十餘人。巡撫

張公奏蠲稅糧十之三。

康熙元年。芝草叢生於感山寺。夏大旱。總督張公巡撫

董公奏蠲稅糧十之三。

二年夏旱。秋七月水。

三年秋大旱。九月甘露降於治東景福觀。

豐城縣志

卷十六

祥異

二十四

十一年春大饑。巡撫董公衛國。奏蠲稅糧。發倉賑濟。

十八年旱。巡撫張公安世賑恤。

二十一年夏水。巡撫佟公康年蠲賑。

二十六年大水決堤。

二十七年旱。

二十九年大水決堤。

三十二年旱。

四十一年大水決堤。

四十三年大水。

四十四年夏五月水決堤。巡撫郎公廷極蠲賑。

四十五年五月大水決堤。

四十八年大稔。

五十二年夏五月大水決堤千餘丈。城市水深五六尺。民居低窪者沒戶。

五十三年冬十二月。雨冰積地數尺。

五十九年大稔。

六十年有星大如盃。晝見。數月始沒。

雍正四年八月大水決堤。秋禾□奉災

恩蠲賑。

十年大水決堤。冬十一月火延燒數百家。

豐城縣志

卷十六

祥異

二十五

十三年。民家有猫作人言。謳歌笑哭不常。數月後莫知所之。

乾隆二年六月大水決堤。

四年十月。火災延燒數百家。

六年十二月火災。

七年夏五月。甘露降於學宮。

八年夏四月水決堤。大饑。時淖塘出土細膩如赤石脂。鄉人掘取和糠粃作食。遠近聞之來取者日六七千人。幾一月。冬彗星見。至次年春始沒。

十年秋七月。火延燒數百家。冬十一月雨木冰。

十一年春正月。雨木冰樹折。古樟多枯死。

十三年疫。冬無雪。

十四年疫。冬少雪。

十六年春正月二十六日。大風。河西雨黑雪。驛前渡船覆。溺死八十餘人。邑紳士倡義捐錢七十餘千。募船沿河撈收。凡月餘。獲五十餘屍。清明日。今尹滿親詣河干招魂以祭。夏四月水。五月旱。民多饑。館驛前新砌石岸崩陷。閏五月舊土岍開裂屢次。無風水湧。傾陷數十丈。各上憲名龍虎山提點書符鎮怪。七月岍復陷。

豐城縣志

卷十六

祥異

二十六

十七年春恒雨。大飢。民多採樹皮草根作食。夏四月大水。漂麥傷稼。決熊家廩土隄十七丈。邱家廩土隄三丈九尺。

武事

水陸交衝。地非險阻。在昔戰爭。間集卒伍。狐鼠竊發。義勇勦禦。不有廓清。曷由安堵。

聖世揆文。兼以奮武。革面革心。山無伏莽。忠信甲冑。禮義干櫓。於萬斯年。永靖兵旅。志武事

漢

高帝五年。英布與劉賈入九江。誘大司馬周殷反楚。遂舉九江兵與漢擊楚。破垓下。項籍死。布遂剖符爲淮南王。都六九江廬江衡山豫章皆屬焉。漢書英布傳

按郡名豫章自此始。領縣十八。南昌其一。豐時尚

豐城縣志

卷十六

武事

二十七

未析縣。是即南昌縣之南境。

建安四年冬十一月。孫策徇豫章太守華歆降。通鑑

按江表傳曰。華歆時爲豫章太守。孫策討黃祖。旋軍欲過取豫章。使虞翻徑到郡。謂歆曰。討逆將軍智略超世。用兵如神。今欲守孤城。自料資糧已知不足。不早爲計。悔無及也。今大軍已至椒邱。在會下

二十里明日日中。迎檄不到者。與君辭矣。翻旣去。歆

明旦出城。遣使迎策。策既定豫章。引軍還吳。策明年薨。弟權代。至建安十五年。乃析南昌南境別置

富城縣。

晉

咸寧五年。冬十一月。晉大舉兵分道伐吳。通鑑綱目

太康元年春三月。吳主皓降晉。吳亡。同上

武帝紀云。孫皓面縛輿櫬降于軍門。王濬送之京都。收其圖籍。克州四郡四十三。縣三百一十三。富城屬焉。即命移治豐水之西。改曰豐城。

梁

太平二年春二月。梁蕭勃起兵廣州。次於南康。丞相陳霸先使周文育擊勃。獲其將歐陽頎。傅泰。勃爲其下所殺。通鑑綱目

豐城縣志

卷十六

武事

二十八

周文育傳云。蕭勃舉兵踰嶺。詔文育督師討之。時新吳洞主余孝頃舉兵應勃。別將歐陽頎頓軍苦竹灘。

傅泰據蹠口城。

郡在南康

爲犄角之勢。文育於豫章立

柵。會食盡。使人遺周廸書約爲兄弟。

廸時爲臨川內史

廸喜。

許饋以糧。文育分遣老小乘舫沿流俱下。燒柵。佯爲逃遁狀。孝頃信之不設備。文育由間道信宿達盱。詔築城饗士。頎大駭。因退入泥溪。文育遣嚴威將軍周鐵虎等襲擒之。遂至蹠口城。攻泰。泰亦敗。蕭勃在南康軍爲其將譚世遠所殺。夏侯明徹持其首降。

苦竹灘即苦竹洲。在大江中。距今縣西南三里許。

平衍廣袤。約可容萬餘人。按黃法氈傳太平元年。割江西四郡。豫臨川安城置高州。以法氈爲刺史。鎮巴山。後蕭勃歐陽頎來攻。法氈破之。則二年之起兵者。專意以攻豫章也。頎據邑苦竹洲。以駐師控上游。以扼豫章之吭。誠得地利。使傅泰由蹠口城相應。上下合兵夾擊。雖有金湯。夫孰龍禦耶。其所以取敗者。以周迪受文育之給。而余孝頃不爲設備所致。夫用兵之法。固在據險。而虛實情僞。尤不可不精研詳察。若頎勃者。非苦竹洲之險。負彼實。彼有以負斯洲之險也。然文育亦才將也哉。

豐城縣志

卷十六

武事

二十九

隋

大業十二年冬十二月。鄱陽林士弘稱楚帝。據江南。

通

鑑綱目

江西大志云。冬十一月。鄱陽賊帥操師。乞自稱元興王。建元始興。攻陷豫章郡。以其鄉人林士弘爲大將軍。詔治書侍御史劉子翊將兵討之。師乞中流矢死。士弘代領其衆。與子翊戰於彭蠡湖。子翊敗死。士弘兵大振。衆至十餘萬人。二月。士弘自稱皇帝。國號楚。豪傑爭殺守令。以郡縣應之。其地北自九江。南及番禺。皆爲所有。

按士弘蹂躪殺戮極爲慘烈。豐邑受害尤酷。邑治殘廢。自此陷於寇者數年。

唐

武德五年。林士弘卒。其衆遂散。通鑑綱目

林士弘傳云。弟鄱陽王藥師。以兵二萬圍循州。總管王世畧破斬之。士弘請降。王戎士弘黨亦獻南昌地。士弘尋卒。黨乃解散。

按高祖旣得南昌。即於是年復置豐城縣。至高宗永徽二年。始命移治章水之東。即今之治所。

乾符五年。王仙芝餘黨陷洪州。過豐城。傅祁率五百義

豐城縣志

卷十六

武事

三十

士與戰。師潰死之。綱鑑叅

省志

天祐三年。夏四月。鎮南節度使鍾傳卒。子匡時爲留後。

秋九月。楊渥取洪都。通鑑

時有李承勳者。招討隴西李神福子也。年二十三。英烈過人。爲淮南節度使。楊渥部將。渥遣從秦裴攻鍾匡時。取洪州。屢立戰功。轉戰至邑。楊梓洲救不至。敗死。土人哀其忠武。即其墓側立廟祀之。宋紹興中。賜

額威顯。雜見省志

南唐

莊宗時。土寇四起。王子邳與弟子邛子邦率衆衛鄉井。

寇至。子邳獨與戰。救不至。子邳死之。省志本傳

宋

建炎三年十一月。隆祐太后如虔州。江西州軍多陷。續編

豫章書云。兀术分兵一自滁和入江東。一自蘄黃入

江西。滕康劉珣聞金兵至。奉太后出城。由豐城舟行

舟過龍霧洲。失金鐘于潭。又祈風投金花于潭。次吉州。方五日。兀术提兵由

豐城沿江追之。太后仍舟行至泰和縣。由萬安縣陸

行如虔州。十二月金人屠洪州。

紹興二年。韓世忠統師二十萬。道出豐城。何穆傳

元

豐城縣志

卷十六 武事

三十一

至正十二年。紅巾賊渡江。萬戶熊某率衆破州治。豐乘

撫州志云。是年三月。紅巾賊自臨江富州入撫州。監

郡完者帖木兒。元帥章士謙戰。屢捷。寇不能入。

十三年。李明道集兵據州境。學正毛鐸死之。前志參名宦傳

冬十一月。江西右丞火你赤以兵平富州。臨江遂復

瑞州。豫章書

十八年。陳友諒寇隆興路。江西諸郡俱陷。富州亦沒。元史

二十一年。明兵分取江州諸路。十一月。僞漢左丞鄧克

明遣其員外羅天錫以分省印。及撫州建昌臨江汀

州四路。南豐寧都富州三州。樂安臨川等十八縣印。

詣鄧愈降。豫章書

按元史。明史。豫章書。及紀事省郡志。至正十三年。李明道據富州。十一月。省臣火你赤道童以兵收復。十六年。創公宇築土城。十八年夏四月。陳友諒寇隆興路。道童與火你赤不相能。棄城遁入撫州。友諒遂據南昌。使胡廷瑞爲守。各傳鑿鑿。則十三年十一月。至十八年夏四月。以前州仍爲元之版圖無疑。前志於邑志內。竟書十八年。僞將陳友諒陷隆興路。明道歸之。仍令守焉。竟若明道長據州境。火你赤全無收復之事。不知何據。查明道本末。

豐城縣志

卷十六

武事

三十二

自爲寇以來。卽依友諒。寇袁寇信俱其所使。則十三年之據州爲奉友諒命而來審矣。豈有時隔五年。至十八年。其主親至。方以所得之地歸獻。雖曰竊據。其立國當有常法。奚至漫無統紀。如此繼又大書太祖吳。壬寅年正月取江西。李明道以州歸。尋以都事權伯文來知州事。節制明道軍。考壬寅卽至正二十二年也。太祖建國號曰吳。在二十四年甲辰。安可於此年大書爲吳。且二十二年太祖取江西諸路。胡廷瑞迎謁。且告祝宗康泰。非眞降意。太祖卽率廷瑞還建康。未幾二人果叛。隨以徐

達兵而定。太祖聞之喜曰。南昌控引荆越。西南藩屏。得南昌。去陳氏一臂矣。非骨月重臣不可守。卽命朱文正。趙德勝。薛顯。鄧愈等鎮之。由是而推。富州控郡上游。又爲南昌藩蔽。無論州。非明道所歸。卽爲所歸。自必另遣他去。如引廷瑞還建康之意。以陰奪其兵柄。顧肯輕信一草竊。仍令自掌軍機。如故耶。再考明史二十一年三月。友諒遣其將李明道。寇廣信。胡大海與其子德濟夾擊城下。擒送建康。太祖赦之。用爲征江州。南昌鄉導。是明道擒服。在二十一年。何以二十二年復有歸州之事。不

知歸州實係鄧克明而非明道。權伯文蓋仍舊職而非新命。事在二十一年。前志未考。故致譌誤。又別志記辛丑年友諒遣明道寇廣信。明師擒獲。命爲鄉導。以取江西似矣。乃又云。明道還據富州之老塘。二三年間軍需供億。莫可窮詰。更詳明史二十三年。友諒以六十萬衆來攻南昌。朱文正備禦萬方。友諒計無所出。乃分遣饒鼎臣等陷吉安。李明道叛。及太祖破友諒二十四年。命常遇春。鄧愈。平臨川各寨。明道匿武寧山中。搜獲以其反覆斬之。則明道自二十一年被擒。使爲鄉導之後。由吉

安而武寧。三年之間卽已誅死。則轉據老塘。經二
三年復爲寇盜之說。理所難信。其據老塘者。意或
爲他盜歟。前志所書。多與諸記載不合。故備言之。
以俟精覈史事者。

明

正德十四年六月十四日丙子。寧王宸濠反。都御史孫
燧副使許逵死之。時撫虔。御史王守仁奉勅往勘
福建軍亂。十五日道經豐城。縣尹顧佖亟白宸濠反
狀。且請討賊。守仁易服潛還至臨江。幾爲邏盜所及。
乃駐吉安。檄諸郡兵。兵大集。秋七月十八日過豐城。

豐城縣志

卷十六

武事

三十四

師甚整。二十日攻南昌破之。二十四日戰於黃家渡。
賊大潰。二十六日復戰於樵舍。濠就擒。豫章紀事

前志載邑丁時魁爲司掾。正德間憲副許公逵以
宸濠逆謀。特草密疏。求一賫送者。難其人。時魁願
往。恨七晝夜抵。如期許公益篤。任往返。凡一
十有七。許公懼變。時魁亦爲所執。鞫於庭。極刑不
屈。濠厲聲曰。爾名時魁。眞時鬼耳。濠擒許公。得贈
謚員役。甄叙有差。惟時魁未及時論惜之。考孫燧
傳。燧察副使許逵忠勇。知宸濠必叛。與謀設備。又
懲胡世寧事。未敢訟言於朝。逵勸燧先發。後聞燧

曰奈何予賊以名且需之。又明史紀事濠反時。縛
燧遠大呼罵。顧謂燧曰。我欲先發不聽。今制於人
尚何言。賊并縛之。按此遠並未一發。宸濠逆謀事。
矧十有七次耶。前志與史傳大異。附記於此。

嘉靖四十年八月。閩越寇數千壓邑境。徑長安趨臨江。
居民洶洶四竄。巡撫胡松檄按察僉事盧岐嶷提兵
擊賊。敗之於楊湖。賊遁去。新郡志

國朝

順治二年。大兵至江西。南昌歸附。豐城屬焉。前志

十二月。土寇入城焚掠。旋遁去。請兵討平之。前志

豐城縣志

卷十六

武事

三十五

八年。突有賊入城。橫恣屠殺。邑治幾空。大家世族遭毒
尤酷。隨入鄉剽掠。除夜抵四五坊地。無有覺者。賊分
部入村落。任意殺戮。明日元旦。更肆慘虐。屍骸枕籍。
積二十餘里。自有豐以來。罹禍之慘。無有甚於此者。
至今傳爲高兵云。

時有廖文化。茅裡鑽者。大家之僕佃也。性悖驚。頗有
勇力。鄉中不法子弟多附之。各付一劄。積至數千人。
白日淫殺。莫敢誰何。各鄉鼠盜。卽非其黨。亦自稱廖
賊帳下。由是縣境騷然。任賊所毒。居民苦之。乃共設
爲穿都法。約村有賊。則并一村之力計誅之。昇其屍

示各村。村有賊而不誅者。則合通鄉共戮其村。彼此互防。遠近交勦。一年之間。賊乃靖。

邑東南緊隣撫州鄉。寇竊發。自樂安來者。恃樓下爲遮蔽。自崇仁來者。以同造爲捍禦。二處完固。直北村落。卽保無虞。而兩姓居民。亦極激義堅守。至有捐軀不悔者。每當寇急。器械火具。來請於官。卽爲資助。蓋邑一面險要也。

又同造以山爲障。樓下則以堡爲依。蔣姓所築土垣。籬籬週密。隱若金湯。分立四門。繞以濠塹。井井有法。順治己亥。康熙甲寅。賊兵兩次衝擊。卒不能破。巡撫

豐城縣志

卷十六

武事

三十六

董提督趙親閱其地。稱爲一方重鎮。并給文獎其義勇。勒石至今猶存。

武不可耀。懼其卽於亂也。豐人質性柔脆。匪惟亂機不萌。偶經寇擾。奔伏竄匿。其弗克保有身家者。不一而足。

國家承平日久。烽燧寢銷。德治之隆。匹休堯舜。百餘年來。偃然不知兵革。爲何物。作息耕鑿。幾忘帝力於何有矣。夫太平之世。民氣恒暢。就田功。卽康功。化桀鷲於大雅。不特鮮轉石之艱抑。且有導流之易。是設險於無形。釀治於有象。舍今日斷無與歸。書曰。寧爾幹。

止。詩曰。求我懿德。三復古訓。益深斯世。斯民之幸。

豐城縣志卷十六終

豐城縣志

卷十六

武事

三十七